

Оонин байриг үзмджтэгъяр темдглхмн

Алдр Октябрск социалистическ революцин 40-ч джил оониг „Буратинский“ совхозин кӧдлмшчир үзмджтӧ, кӱцӧнӧгъу кӧдлмшӧр уктджана. Совхоз эн джил орн-нутгтан орулдж ӧгх ноосна зурагъан 102 процент кӱцӧв, октябрь сарин чилгч кӱртл махна зурагъан бӱкднӧ кӱцӧх болдж лаалгъвр авцхав.

Үвлин ӧвсн болн шимтӧ джӧдлн силос цуг малд кӱрмӧр белдчксн бӧӧнӧ. Совхозин урчудин шунмгӧа кӧдлмшӧр бод мал бӧӧдг хойр типовой хаша бӧргдв, Үвлин цаст хургълсн хӧддин тӧл бӧрдг дулан хойр хаша кегдв, хойрнӧ даругъас дуусгдджана, шатта 16 худгуд тосхгддж, ясгддж дуусгдв.

КПСС-н Централън Комитетин болн СССР-н Министрмӱдин Советин бичгт тӧвгдсн, хӧ ӧсглгӧнӧ болн хӧднӧс ноос гаргъдж авлгъ икдӱлхин туск тӧриг кӱцӧхд, мана совхозин коллектив ик шунмгӧа кӧдлмш кеджӧнӧ.

Совхозин эклц парторганизац болн дирекц хоорндан селвлцдж кӱунддж, сӧн тохмта, торгън нооста хӧддин тоогинӧ икдӱлхӧр, му тохмта,

му нооста хӧддӧн талин совхозмудин махна зура кӱцӧддж, махнд орулдж ӧгч, теднӧс сӧн тохмта, сӧн нооста, хӧд авч исрулджана.

Эн ик чиртӧ тӧриг кӱцӧхд, хӧднд дурта, Үн седклӧрн кӧдлдж хӧдчнр кергтӧ. Тиним улс мана совхозд бӧӧнӧ. Үлгӱрлхд: Бӱрчин Мандж—32 джил хӧдид кӧдлдж йовх кӱн. Эн хӧдч му, кӧгшн хӧддин отар авад гурвн сар болджана. Чидлӧн ӧрвлл уга кӧдлсн учрар, Манджин хӧлӧдджӧх хӧд таргълв, нег чигн гару уга. Иигдж Лариев Хулхач чигн кӧдлдж йовна. Эн джил хӧдч болдж Хулхач хургъд авч хӧрӱлдж бӧӧнӧ. Котан ах-дӱ хойр бас шундж гер-бӱлӧрн хӧдид кӧдлджӧнӧ. Одигов М., Эрдеев Эрдни., Емельяненко Г., Эрдниев А., Мутулов Ш., Польшеев Д., Тосоков болн Дюреев Ц. хӧдчнр бас үзмджтӧгъяр кӧдлдж йовцхана.

Их диилвртӧгъяр саальчнр чигн кӧдлджӧнӧ. Корнуса Мария зургъан сарин эргц норман 160 процент кӱргдж кӱцӧв, эс-гидж 7,5 центнерин ормд 12,5 центнер Үс саадж, Елинкина Елена 11,5 центнер Үс саадж орн-нутгтан орулдж

ӧгцхӧв. Чидлӧн нӧл уга тугълмуд хӧлӧдг Зегстин Дула, чигн 93 тугъл гару угагъар хӧлӧддж бӧӧнӧ. Эн Дула тугъл хӧлӧлгӧнд кесг оли джил кӧдлдж йовна.

Олна малин ӧвс халлгӧнд болн зӧддж белдлгӧнд сӧн Үлгӱр Үзӱлдж тракторист Ступаченко В., Нимгиров У., Баранов Н., Ченкалев зурагъан 120—130 процент кӱргдж кӧдлцхӧв. Мастерскоин механизатормуд электросварщик Истомилин В., слесарь Каземиров, лархн Болдырев болн токарь Зинченко ӧдрӧ зурагъан 160—170 процент кӱргдж шунджанца.

Октябрин сӧн ӧдрӧн кесг кӧдлӧчнр шин, сарул, дулан гермӱдт тосджана. 15 шин гермӱдт эздӱднӧ орцхачкв. Тосхачнр Луценко С., Мутулов Н., Бойко, Токарев тосхлтин кӧдлмшт йилгӧлтӧ сӧн Үлгӱр Үзӱлджӧхӧнӧ.

Мана совхозин цуг кӧдлӧчнр альк чигн кӧдлмштӧн ик диилвр бӧрдж, Октябрин 40-ч джилин алдр сӧн ӧдриг үзмджтӧгъяр темдглхӧр шундж бӧӧцхӧнӧ.

МУКАН ЗУРГЪАН,

„Буратинский“ совхозин эклц парторганизацн сеглӧтр.